

2. december 2015

UKA2015/92

**Akiitsunut Aningaasaliisarnermullu periusissiaq atuuttoq pillugu oqallinnissamik siunner-suit. Qanoq iliornikkut qulakkiissavarput Kalaallit Nunaata ataatsimut akiitsui
aninggaasaliinerilu aninggaasaqarnikkut patajaatsumik qajannaatsumillu inissisimanissaani
toqqammavileeqataanissai? Akiitsunut Aningaasaliisarnermullu periusissiaq maanna piusup
atuuttullu Namminersorlutik Oqartussanut, kommuuninut Namminersorlutilu Oqartussani
ingerlatseqatigiiffiit pigineqartuni pitsaaqutai pitsaanngeqtaalu suuppat, qanorlu iliornikkut
periutsip malinneqarnissaa qulakkiissavarput?**

(Inatsisartunut ilaasortaq, Sara Olsvig, Inuit Ataqatigiit)

Inatsisartunut ilaasortap Sara Olsvig-ip Inuit Ataqatigiit inatsisartut oqallinnissaannik siunnersuutaa siumumiit ilassilluarparput, imatullu takisuuliornata oqaaseqarfingissallutigu.

Siullermik Siumumiit erseqqissaassutigissuarput, soorunami nunatta aninggaasaqarnikkut ingerlatsi-
nermigut isumannaatsumik tatiginartumik siunertaqarluartumillu aninggaasaqarnikkut ingerlatsiuar-
nissaa anguniartuartariaqarparput, aammal uqqaamassassuarput mianerisarlugulu aninggaasatigut
ingerlatsinermi piumasaqaatitigut aaliagersakkatigullu nunatta ernerriartornissaminut periarfissaasa
mattussuutinnginnissaat, nunarsuarmilu aninggaasaqarnikkut aninggaasarsiornikkullu periarfissiis-
sutaasunut peqataalluarnissamut periarfissaqartuarnissaa qulakkeersimasassallutigu.

Kalaallit Nunatsinni suli aninggaasaqarnikkut nammineersutut inissismalersimanngilagut, massa
taamatut inissismalernissamut periarfissarissaaraluarluta, pisuussutivut uumassusillit eqqarsaatiga-
ligut aalisakkanik suliareqqiisarnerit annertusarnerisigut naleqarnerusunngortitsisariaqarpugut,
aammal uqqaamassassuarput immitsinnut pilersornerulernikkut, sanaartornermilu atortussanik nammi-
neerluta sanaartornitsigut aninggaasarsiornikkut annertuumik siuariarsinnaavugut.

Pisuussutigut uumaatsut nunatsinnut iluaqutaasumik atorluarnerulerutsigit aammal uqqaamassassuarput
innuttaasut ujaqqanik erlinnartunik aninggaasarsiuteqarsinnaanerat ingerlallualerpat qularnangilaq
siunissami nunatta aninggaasaqarnikkut imminut napatilersinnaanissaa anguneqarsinnaassaaq,
tamannami Naalagaaffimmik isumalluteqaaannarnissamik politikkeqarluni anguneqarsinnaan-
ngimmat.

Innuttaasut nunatsinni najugaqavissut ilinniagaqarsimasorpassuit ullumikkut allaat pisortat suliffe-
qarfiutaannit atorluarneqaratik suliffissaaleqitinneqarput naak pisortat suliffeqarfiutaat avataaniit
sulisussaminnik tikerartitsisut, tamamanna oqallisigiinnarnagu aaqqinnejqartariaqarpoq, qanoq
iliuuseqannginnejq ukiuni arlaqalersuni ingerlanneqarpoq, maannakkut Naalakkersuisuusut qanoq
iliuuseqartariaqarpugut.

Hallø

Ilaana, suleqatigiilluarnikkut aaqqissuussinnaasagut amerlaqaat minnerunngitsumik aninggaasarsiorn-
nikkut ingerlatsinermi inuussutissarsiornermilu. Eqqaamassavarpot kalaallit nammineq nunaminni
aninggaasarsiornikkut naamminiilersimannginnitsinnut pissutaanerpaasoq tassaammat ullumikkut
nunatsinni aninggaasarsiornikkut nunasiaataanerup nalaani periusaasimasut ilaat suli qimassi-
mannginnatsigut atuutsittuarlugillu. Ilaanni eqqarsaqqajaalernarsisarpoq kalaallit aninggaasarsiortin-
naveersaarneqartut, minnerunngitsumik Namminersorlutik Oqartussat suliffeqarfiutaat anginerit
eqqarsaatigalugit. Tamakku pissusitoqarsuit qimallugit nunatsinni najugaqavissut sellersaallutik
aninggaasarsiornissaminnut nunami maani periarfissaqarnissaat Siumumiit ilungersuutigiuassuarput.

Taamaattumik Siumumiit maannakkut naalakkersuisooqatigiit partiivisa isumaqatigiissuteqarnikkut angunigaat, tassa Nunatta Danmarkillu akornanni aningaasat ingerlaarnerisa qulaajaaffigineqarnerat upernaamut naammassisussaq assut qilanaaraarput, taamaallluta taamanikkussami paasisat inisseriarpata nutaamik aaqqissusseqqinnisanut alloriarnissarput pisinnaalissammat, nunattalu aningaasaqarnikkut imminut napatilernissaa siunertaralugu aaqqissuussinissarput pisinnaalissammat qilanaaraarput.

Akiitsunut Aningaasaliisarnermullu periusissiap tunngavigisai Maanakkut Naalakkersuisuuusut soorunami pingartillugit ingerlatsisut paasivarput soorlu 2015-imut Aningaasaqarnikkut Ingerlatsineq pillugu Nalunaarummi aamma atuarneqarsinnaasoq.

Paasivarput Naalakkersuisut naatsorsuutigigaat, missingersuutinut inatsimmut nutaamut siunnersuut 2016-imi Inatsisartunut saqqummiutiulersaraat ilaatigut Akiitsunut Aningaasaliisarnermullu periusissiap ilaaneersunik imaqtartussaq. Soorunami missingersuutinut inatsisip suliarineqarnerani anni-kinnerusunik aaqqiissutinik erseqqissaanernillu pisariaqarttsisoqassasoq Siumumiit naatsorsuutigliuinnarparput.

Aningaasaqarniarnikkut kiffaanngissuseqartumik eqqarsaatigilluakkamilli malitassaqarluta ingerlatsinissarput pingartipparput. Taamaammat pisortaniit aningaasanik isumalluutinik pingarnersiuif-fisarnissamut periarfissiisumik ineriartortitsisinnaanissamullu periarfissiisumik missingersuutinut inatsiseqarnissarput psariaqarmat upernaamut Naalakkersuisut Inatsisartunut saqqummiinissaat qilanaaraarput.

Taamannak oqaaseqarluta oqaaliisissiami Inatsisartut oqaaseqaatissaattut siunnersuut isumaqatiginnginnatsigu oqaatigissavarput, tassami upernaamut Naalakkersuisut missingersuusiortarneq pillugu Inatsimmik naleqqussaasussaanerat utaqeqqaarumagatsigu.

Jess Svane
Siumut